

QUÆSTIO MEDICA.

105 449

CARDINALITIIS DISPUTATIONIBVS
manè discutienda in Scholis Medicorum, die Iovis 16. Martii.

M. BERTINO DIEUXIVOYE, Doctore
Medico, Decano, Præside.

An Aër Parisinus salubris?

I.

SPIRITUS caloris nativi sedes, æquè ac animæ corpo-
risque commune vinculum est, sed adeo necessarium, ut
cùm naturâ suâ^a cedens maximè, atque dissipabilis sit, ni quam-
primùm reficiatur, solutâ partium unione, quibus constamus,
totius compages sine morâ ruat. In instaurando spiritu, cibo
potuque opus est, ut ex subtilissimo sanguine illius portio ge-
neretur. Attamen ad idem opus primas etiam tener aër, ab
eoque pernecitatem motus, substantiæque tenuitatem spiritus
mutuatur, & habet, ut pervadendo corpori potissimum na-
tus, ceu lux aut radius Solis momento mobilis, morem prius
gesserit, voluntariiue motus organa æthereus hic functio-
num interpres subierit, quàm ea exagitari, jusserit anima, ac
pene adverterit. Tales fumus, qualis est aër, quem spiramus,
atque ita hominum fors^b aëre præsertim contineri videtur, à
quo vitæ quidem & sanitatis, ut interitus etiam ac morbi infi-
gnes causas habemus, prout vel bellè comparatus salubrita-
tem servat, ac puros, operatio nibusque eliciendis habiles spi-
ritus edit, vel qualitate peccans, nebulosus, aut putris, illos
nunc intemperie afficit; nunc labe fœdat, collatoque humo-
ribus vicio, morborum^c communem sementim abundè facit.

^a G. cap. v.
meth. lib. 12.

^b G. Artis me-
dicæ. c. 8.

^c G. præf. ad
com. 1. li. 1.
Epi. Hip. & lib.
de natura hum.

I I.

DUM ita fatali necessitate aërem vivendi causâ haurimus,
natura, ut eum sui motus imperio, ac legibus coerceret,
respirationis, unâque transpirationis admirabilem artem in-
venit; illius in quâ per nares, & os, patentisque trachæ ar-
terix tubulos allectam qualemcumque auram sibi cordique
pulmones maximè communicant; tumque vicissim æstuosas
fuligines, vitalem flammam alioqui compressuras respirant &

reddunt; hujus verò in quâ per cutim suis ubique spiramentis perviam, penetrabilis aër quicumque, familiaris aut infensus, intima subit, ex quibus per eos ipsos meatus fumosi halitus, caloris, cui aliàs suffocatio imminerebat, recreandi gratiâ, identidem prorumpunt. In his profectò seu intus, seu foris, domi vel ruri degas, momenta sunt maxima ad salubriter vivendum, ut præ cæteris ambiens puritate suâ^a ubivis gentium probetur, cœlique potior quàm alimenti ratio habeatur. Omnes enim cùm assuetis cibis consenesimus, aëre autem qui pravus, non item. Atque licet vivere, vel mori, secundâ vel adversâ valetudine frui nullibi non detur, ægrius tamen infalubri quis loco, quàm nitenti ac puro assuescat, minorique labore malus probo mutetur aër, quàm si consuetus vitiosusque cibis bellè temperato ac laudabili cuivis, sed insolenti sufficiatur. Sic igitur nulli^b non hominum sorti, sexui, temperamento, ætati que bonitate insignis aër commendabilis est, secus ac alimentum, c^c quod optimis dotibus conspicuum in se, tamen improbo sed familiari sæpe decedit.

I I I.

ALVEIS hinc inde^d Sequanæ velut ambabus ulnis Lætia quondam in cunis pressè capiebatur. Sed orarum amœnitas tanta, ut sensim major, augmentoque primo nobilis, Regum mox deliciæ, gradatimque aucta ad eam amplitudinem conscenderit, quâ rerum potito Lodoico Magno, cæteras longè latèque superat. Et re verâ interminata pene est trans citraque flumen, loci velut ex quadruplici Urbe coagmentati capacitas, nec pomœriis illa mœnibusque suis amplius contineri valet. Ædificiorum in Urbe multitudo summa; earum πολυτέλειον altitudo non vulgaris, eòque fertur, ut ternapassim, quaterna que sibi invicem ad innumerabiles incolas capiendos superstructa, e^e vicis que ipsos habitatorum crebritate oppida tot esse crederes. Ergo soli totius, areæque Parisiensis jucunda suavitates, vel quod ab omni ævo Urbium conditoribus in voto fuit, oppidi ipsius fœlix δ'ῶρον, & aquarum amplascaturigo, rerumve omnium dives ubertas, quas^f velut sanguinem in animantibus venæ, & confluentes fluvii, Sequanaque præsertim afferunt, ex distantissimis regionibus neminem non in Urbem invitant. Quo nomine frequentissima,^h compendium orbis, ut dignitate Urbiumⁱ Regina, aut caput, suaque immensitate totius^k Galliæ patriæ, inò generis humani^l capax

^a Gal. com. 3. li. Hip. de hum. quædammodum omnibus aquè conducit, ut optimum ærem spiritu duccant... Sic prævum omnes vitare decet.

^b Gal. ibid.

^c Hip. l. 2. Aph. 38. 50. li. 2. de mor. & li. de fist.

^d Jul. Cæs. li. 7. Strab. lib. 4. Geog.

^e Gal. com. li. 1. Hip. de Fra. de Roma.

^f Aristo.

^g Neauna, Matrona, Oxia.

^h Polemam rhetor Romam compendium orbis dicebat Gal.

ⁱ Co. Pe.

^k Ba fac.

^l Luca lib. 1.

Lutetia potiori jure nunc celebretur, atque jam *cuncti*^a *gens una*^a Claud.
simus. Sed quod omne fert punctum, aëris Parisini ea est condi-
 tio, ut ipse quo modo probus est, ac ridet, tam hospitibus
 quam indigenis, Urbs, si *ὕψιστος* optent, omnium maxime
 competat. Et quidem ubinam in littore vel hortis, locis aut
 prædiolis salubritas ambientis major, quam in agro Parisiensi,
 tantò hic præstantior, quantò cum ne momento quidem vi-
 vere liceat sine aëre, auram si quis spiret in illo integrâ, ævi-
 que diuturnioris sanitate fruatur.

I V.

QUÆ situ ad Solis exortus, aquis synceris, & *ἀνοίσις*, solo
 utcumque sicciori, plano, gramineo tamen, nec mado-
 ris experte, sylvis non obsito, cœlo caliginosis vaporibus haud
 circumfuso, sed liquido & aperto civitas commendatur, ista
 salubris. Numeris suis absolvitur, si cum ^c Orienti patet, eadem
 etiamnum Septentrionem spectat, atque à Meridie tuta cum
 sit, graves ab Occasu nocendi causas non assumit. Istiusmodi se
 habet^d Lutetia cujus aërem Sol ab arce Vincennarum exoriens,
 quo nomine ^e Regibus hæc antiqua domus, sanitatisque custos
 fuit, ipseque Subolanus mirum in modum castigant; maxime
 cum flantis ab æquore San-Dionysiano Aquilonis aurâ, putre-
 dinis causæ emendentur; situque declivis illa objecto monte
 San-Genovefæ tuta sit ab Austro, nebulosum vix admittura Fa-
 vonium, quem Clodovæano monte sublatum, Passianus collis
 etiam utcumque tenet. Tenuis itaque purusque circumstat aër,
 qui affectus ut est à ventis^f præcipuis, iisque omnium saluber-
 rimis, aut qualis splendet in Urbe dominâ, in odium offen-
 sionemque populi nusquam incurrere, cive phthisim, variolas,
 pestem, aut alios morbos, ut nec Sequana in fontes sectus
 plumbeis canalibus calculum, dysenteriam, vel diarrhœam
 tamquam endemios affectus afferre potest. Qui quidem flu-
 vius & Solis splendentibus radiis objectus, ac patens, arenoso
 nitentique currens alveo^h molles hydraulis aquas, putealibus,
 quæ duræ; vel ^k fontanis, quæ vitiosæ, longè anteponeudas
 depromit.

V.

INSPECTA vernaculorum animantium^l exta, si bene
 habita sunt, locum incolis amœnum, sanumque fore por-
 tendunt. Attamen plena hæc præscæ superstitionis vaticinatio
 morari te non debet, nisi præ cæteris aër optimæ notæ ac
 laudabilis præsertim aspiret, à quo coloris, habitusque probi-

^b Hip. li. de
aër. lo. aq.
^c Ibid. tex. 25.
^d Joan. Mart.
in com.

^e Carolus V.
cognomine sa-
piens domum
versus Patrum
Cælestinorum
cenobium si-
tam à præfecto
Ædilibus
Urbs dono ac-
cepit, quâ usus
est, ut aëris sa-
lubritate fretus,
valerudini suæ
consultaret. D.

Poncet suo
tract. de senect.
Ead. de causâ
Rex ipse arcem
Vincennarum,
quam perfecit,
in nobilem vil-
lam Plaisance
incoluit. S. Lu-
dovicus, Carol.
IX. & alii hoc
aëre delectari
sunt. Hist.

Franc.

^f Hip. ibid.

^g Hip. ibid.

text. 25.

^h Hip. ibid.

ⁱ Franciscanis,

Cholecticis san-
cta Genovefa.

^k Regniacensi-
bus, quæ cana-
les oblinunt &
sensim ob-
struunt. Esaciæ
quæ lapidescunt
& Bellavillais,
quæ brevi pu-
rescunt.

^l Vitru. cap. 4.

l. 2. arch.

^a Proptoris decreto urbs diligenter & ad amissum expurgata primum fuit scilicet anno 1667.

^b At anno sequenti 1668. Rothomagus, anno autem 1669. Ambianum pestis invasit. Rothomagenses, à Facultate Medicis qui opem ferrent peroptant.

Ædiles Ambianenses datis ad facultatem litteris consilia, optimasque suffitum formulae pestilentis aeris purgandi causâ expostularunt, quas ne tam necessario pietatis officio decesset; illa pro more quamprimùm communicavit.

Interim cœnoscus ex urbe abierat fœtor, atque populosisima Lutetia, nec citra nomen, à pestilenti vicinorum aurâ vindicata est.

^c Pestem ex Æthiopiâ in Græcos imminentem, accensis per totam civitatem aromaticis ignibus, ut eâ ratione purus aër efficeretur, Hippocrates fugavit. Sora. in vita Hipp. & atheniense S. C. Et Gal.

^d Canosus palustrisque odor pestilentiam infert ex Hip. l. de hum. aër ob magnum factorem corruptus diligenter fugiendus ex Gal. ibid. Com.

^e Aër omnis vulgarius morborum causa est. Hip.

^f Stemma gentilitium Lutetia navis est.

^g Παρρησία, quasi πῶς πεῖρα, totus sermo, & oratio. Dicendi facilitas. Παρρησίας in dicendo facilis.

igitur Aër Parisinus salubris.

Proponebat Lutetiæ BERTINUS-SIMON DIEUXIVOYE,
Parisinus, Baccalaureus Medicus. A. R. S. H. 1684.

tas, suspecta nusquam emergit, secus ac quæ à polyhæmiâ vernaculâ ortum habet, ideo frequenter, & partitâ venæ sectione solvenda. Quamvis autem patrii cibi, panis scilicet Gonesiani, butyrique Vanvrensis; nec non vinorum Parisinorum, ut & Sequanæ potus salubritate Lutetia nulli inferior Regioni visâ sit, aër tamen in illa vincit tenuitate sua, nativæque dotes semper conservat, per vicos innumeros, & edificiorum culmina toties collisus. Accedit Magistratum in Remplicam hoc nostrâ ætate studium singulare, ut per Urbem nitentes viæ plures crescerent, quò λαΰφοι omnes, aërii fluxus, puriorisque undæ capaces, magis perviæ, ac patentiores, ventosis spiritibus diffarentur, ne situ torperet aër, aut in eum palustris, cœnoscusque odor disseminaretur, quem morboşi inquinamenti feracem, nec usquam pestis, quidquid deliret vulgus, ἀλεξίγινον esse suadet aversa tunc imminens vicinorum aura pestilens, cum hinc primùm ^a nitere vicos jussert Proptor, & inde perflabiles esse voluerat ^b Urbis Præfectus. Ex his enim velut ^c ob succensos ignes restituto ambiente, ^d fœtor ille abominandus, ^e communisque nocendi Causâ ^f civitate aufugit, quæ stagnantis aquæ, subterraneive specus, aut ominosi cujusdam propriique venti maculis nequaquam infesta, sic modò comparata est, ut ipsa mysticæ ^f Navis sentina aërem Parisinum nidore non inficiat, suâ mephiti fœda illuvies non inquinet; purgamentum nullibi subsideat, sed potiùs exutâ omni qualitate alienâ purus tenuis, lucidus, perflatusque aër in Urbe, eum spiritibus & sanguini civium nitorem, corporibusque symmetriam afferat, & ut cum sub ejusmodi cœlo Heroes nascantur, Παρρησίας fortitudini, solertiæ, morum facilitati, & musarum cultui conjunctam, mentemque sanam in corpore sano tantis de causis nemo miretur.